

ქ. თბილისი

03 იანვარი 2022 წ.

ერთი მხრივ, საქართველოს სახალხო დამცველის აპარატი (შემდგომში - შემსყიდველი), წარმოდგენილი საქართველოს სახალხო დამცველის პირველი მოადგილის თამარ გვარამაძის სახით და მეორე მხრივ, სს „სილქნეტი“ (შემდგომში - მიმწოდებელი), წარმოდგენილი მისი კორპორატიული გაყიდვების დეპარტამენტის უფროსის მალხაზ ჟორჟიკაშვილის სახით, „სახელმწიფო შესყიდვების შესახებ“ კანონის დაცვით და 2021 წლის 14 დეკემბერს გამოცხადებული ელექტრონული ტენდერის (SPA210003522) ფარგლებში ვაფორმებთ წინამდებარე ხელშეკრულებას სახელმწიფო შესყიდვის შესახებ შემდეგზე:

1. ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ - საერთო თანხა, რომელზეც გაფორმებულია წინამდებარე ხელშეკრულება.
- 1.3. „შემსყიდველი“ - ორგანიზაცია, რომელიც ახორციელებს შესყიდვას.
- 1.4. „მიმწოდებელი“ - პირი, რომელიც ახორციელებს მომსახურების მიწოდებას ხელშეკრულების ფარგლებში.

2. ხელშეკრულების საგანი და მომსახურების გაწევის ვადა

- 2.1. მიმწოდებელი უზრუნველყოფს შემსყიდველს ინტერნეტ მომსახურებებით (CPV 72400000 - ინტერნეტმომსახურებები) დანართ N1-ში მითითებული მისამართების, ინტერნეტსიჩქარეების და ღირებულების შესაბამისად.
- 2.2. მომსახურების გაწევის ვადა: 2022 წლის 1 იანვრიდან 2022 წლის 31 დეკემბრის ჩათვლით.
- 2.3. წინამდებარე ხელშეკრულებით შემსყიდველი ყიდულობს მომსახურებას და მას საკუთრებაში არ გადაეცემა რაიმე სახის ტექნიკური მოწყობილობა ან/და ნივთი.

3. ხელშეკრულების ღირებულება

- 3.1. ხელშეკრულების საერთო ღირებულება შეადგენს **46,920.00** (ორმოცდაექვსი ათას ცხრაას ოცი) ლარი.
- 3.2. ხელშეკრულების ღირებულება მოიცავს ხელშეკრულებით გათვალისწინებული მომსახურების შესყიდვასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ გადასახადებს.

4. ანგარიშსწორების ფორმა და ვადები

- 4.1. ანგარიშსწორება განხორციელდება ფაქტიურად გაწეული მომსახურების შესაბამისად, მიმწოდებლის მიერ დამადასტურებელი საანგარიშსწორებო დოკუმენტაციის (მიღება-ჩაბარების აქტი) შემსყიდველისთვის წარდგენის შემდეგ, უნაღდო ანგარიშსწორებით ლარში, მიმწოდებლის მიერ მითითებული რეკვიზიტების მიხედვით. დაფინანსების წყარო: 2020 წლის სახელმწიფო ბიუჯეტის სახსრები.
- 4.2. ანგარიშსწორების ვადა - შესაბამისი საანგარიშსწორებო დოკუმენტაციის გაფორმებიდან არაუმეტეს 10 (ათი) სამუშაო დღის განმავლობაში.
- 4.3. მხარეებს ხელშეკრულებით გათვალისწინებული ვადების დარღვევის შემთხვევაში დაეკისრებათ პირგასამტეხლო ყოველ ვადაგადაცილებულ დღეზე სახელშეკრულებო ღირებულების 0,01%-ის ოდენობით;

5. მიღება-ჩაბარების წესი

- 5.1. ხელშეკრულების ობიექტი ან მისი ნაწილი ჩაითვლება მიღებულად მხოლოდ შესაბამისი საანგარიშსწორებო დოკუმენტაციის გაფორმების შემდეგ.
- 5.2. მომსახურება შემსყიდველს უნდა ჩაბარდეს ყოველი თვის ბოლოს, რაზედაც შემსყიდველს ეგზავნება საგასადახადო ანგარიშ-ფაქტურა.

6. მხარეთა უფლება-მოვალეობანი

- 6.1. შემსყიდველი უფლებამოსილია: ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება.

6.2. შემსყიდველი ვალდებულია:

უზრუნველყოს მიმწოდებლის მიერ მიწოდებული მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

6.3. მიმწოდებელი უფლებამოსილია:

მოსთხოვოს შემსყიდველს მიწოდებული მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

6.4. მიმწოდებელი ვალდებულია:

ა) უზრუნველყოს მომსახურება სათანადო ხარისხითა და სრული მოცულობით, განუხრელად და ჯეროვნად შეასრულოს ხელშეკრულების პირობები იმ ვადაში, რომელიც მითითებულია წინამდებარე ხელშეკრულებაში და დაიცვას შემდეგი პირობები:

ბ) უზრუნველყოს ინსტალაციასთან დაკავშირებული მოწყობილობების წარმოდგენა და ინსტალირება საკუთარი ხარჯებით;

გ) საქართველოს სახალხო დამცველის ქ. თბილისის ოფისის ინტერნეტი მიაწოდოს ოპტიკურ-ბოჭკოვანი კაბელის საშუალებით შემდეგი პარამეტრებით:

- კონკურენტული წვდომა 1:1 (Contention Ratio 1:1);
- სიმეტრიული არხი (Upload=Download);
- გარანტირებული სიჩქარე 100 Mbps (100 გლობალი/100 ლოკალი);
- VPN (საკუთარი ვირტუალური ქსელი) და VoIP (ხმოვანი კავშირის სისტემა) სერვისების მხარდაჭერა;
- ორმაგი სათადარიგო არხი (ერთი არხის გათიშვის შემთხვევაში დაუყოვნებლივ გადასვლა მეორე არხზე);
- ტექნიკური მხარდაჭერა 7 დღე 24 საათი.

საქართველოს სახალხო დამცველის რეგიონულ ოფისებში ინტერნეტის მიწოდება უნდა განხორციელდეს ცხრილში მითითებული მონაცემების დაცვით, რეგიონების და მისამართების შესაბამისად;

7. ხელშეკრულებით ნაკისრი ვალდებულებების შესრულების ინსპექტირება

7.1. ხელშეკრულებით ნაკისრი ვალდებულებების შესრულების ინსპექტირებას განახორციელებს შემსყიდველის მიერ გამოყოფილი კოორდინატორი: **დავით გოგინაშვილი** - ადმინისტრაციული და ფინანსური დეპარტამენტის ლოჯისტიკის მენეჯერი.

7.2. ინსპექტირება გულისხმობს მიმწოდებლის მიერ ხელშეკრულების პირობების შესაბამისად გაწეული მომსახურების მიწოდების ვადების, მოცულობის, ხარისხის კონტროლს და ხელშეკრულების მოთხოვნებთან შესაბამისობის დადგენას.

7.3. ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

8. ხელშეკრულებაში ცვლილებების შეტანა და ხელშეკრულების შეწყვეტა

8.1. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

8.2. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

8.3. ხელშეკრულებაში ნებისმიერი ცვლილების და/ან დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე, ხელშეკრულების დამატებითი შეთანხმების სახით, რომელსაც ექნება იგივე იურიდიული ძალა რაც წინამდებარე ხელშეკრულებას.

8.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში, მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ, რაც უნდა აცნობოს მხარეს არანაკლებ 5 (ხუთი) კალენდარული დღით ადრე წერილობით ან კომუნიკაციის ელექტრონული საშუალებების გამოყენებით.

8.5. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

9. დაუძლეველი ძალა (ფორს – მაჟორი)

9.1 მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით, ან არაჯეროვანი შესრულებით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის (ფორს–მაჟორი) ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

9.2 თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა წერილობით აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ განთავისუფლდება ნაკისრი ვალდებულებებისაგან.

9.3 მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

10. მხარეთა პასუხისმგებლობა

მხარის ბრალით ხელშეკრულების პირობების დარღვევის შემთხვევაში, მხარე პასუხს აგებს ნაკისრი ვალდებულებების შეუსრულებლობისათვის ან/და მისი არაჯეროვნად შესრულებისათვის კონკრეტულ შემთხვევაში მიყენებული ზიანის ოდენობით, ურთიერთშეთანხმებით, ან კანონმდებლობით გათვალისწინებული წესის შესაბამისად.


11. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

12. ხელშეკრულების მოქმედების ვადა


ხელშეკრულება ძალაში შედის ხელშეკრულების გაფორმების თარიღიდან და მოქმედებს 2023 წლის 31 იანვრის ჩათვლით.

13. მხარეთა რეკვიზიტები

შემსყიდველი: საქართველოს სახალხო დამცველის აპარატი ს/კ: 203860679 მის: ქ. თბილისი, დ. აღმაშენებლის გამზ. N80 ტელ: 1481 (ცხელი ხაზი); 577 122780 ელ-ფოსტა: mkvitsiani@ombudsman.ge სახელმწიფო ხაზინა კოდი: TRESGE22 ა/ა: 200122900  სახალხო დამცველის პირველი მოადგილე თამარ გვარამაძე	მიმწოდებელი: სს „სილქნეტი“ ს/კ: 204566978 მის: ქ. თბილისი, წინამძღვრიშვილის ქ.95 ტელ: 577 08 30 30; 577 00 78 00 ელ-ფოსტა: mbrelidze@silknet.com ბანკი: სს “თიბისი ბანკი” ბანკი კოდი: TBCBGE22 ა/ა: GE97TB 7404 9360 7010 0004 _____ კორპ. გაყიდვების დეპარტამენტის უფროსი მალხაზ ჟორჟიკაშვილი
--	---

ხელშეკრულება №SPA210003522-2022-001-ის
დანართი N1

№	საქართველოს სახალხო დამცველის ოფისების მისამართი	მომსახურება	1 თვის ღირებულება	2022 წლის 12 თვის ღირებულება
1	ქ. თბილისი, აღმაშენებლის გამზ. №80	ინტერნეტ მომსახურება - გარანტირებული 100 გლობალი/ 100 ლოკალი - ინტერნეტის მიწოდება ოპტიკურ ბოჭკოვანი არხით	2,400.00	28,800.00
2	ქ. ქუთაისი, რუსთაველის ქ. №18	ინტერნეტის მიწოდება ოპტიკურ ბოჭკოვანი არხით - გარანტირებული ლოკალური ინტერნეტ სიჩქარე - 15 მბ/წმ .გარანტირებული გლობალური ინტერნეტ სიჩქარე 10 მბ/წმ.	380.00	4,560.00
3	ქ. ბათუმი, ნ.დუმბაძის ქ. №10	8Mbps ADSL ტენოლოგიით.	150.00	1,800.00
4	ქ. ზუგდიდი, კოსტავას ქ. №58	ინტერნეტის მიწოდება ოპტიკურ ბოჭკოვანი არხით - გარანტირებული ლოკალური ინტერნეტ სიჩქარე - 15 მბ/წმ .გარანტირებული გლობალური ინტერნეტ სიჩქარე 10 მბ/წმ.	380.00	4,560.00
5	ქ. გორი, სამების ქ. №1	8Mbps ADSL ტენოლოგიით.	150.00	1,800.00
6	ქ. ახალქალაქი, ჭავჭავაძის ქ. №4	8Mbps ADSL ტენოლოგიით.	150.00	1,800.00
7	ქ. მარნეული, რუსთაველის ქ. №51	8Mbps ADSL ტენოლოგიით.	150.00	1,800.00
8	ქ. ოზურგეთი, ჭავჭავაძის ქ. №14	8Mbps ADSL ტენოლოგიით.	150.00	1,800.00
მთლიანი ღირებულება დღგ-ს გათვალისწინებით:				46,920.00

შემსყიდველი: საქართველოს სახალხო დამცველის აპარატი  სახალხო დამცველის პირველი მოადგილე თამარ გვარამაძე	მიმწოდებელი: სს „სილქნეტი“ _____ კორპ. გაყიდვების დეპარტამენტის უფროსი მალხაზ ჟორჟიკაშვილი
--	---